



GEORGII MERULÆ STATYELLENSIS HISTORIARUM MEDIOLANI DECAS SECUNDA.

LIBER I.



interim compararet, & faceret, quæ ad firmandas opes necessaria existimabat, Luchinus, & Marcus Cardano (a) haud longe à Pado oppositi, priusquam palam fieret Patrem decessisse, cum hoste configere statuit: igitur collatis signis, propius inimica castra pergunt. Cardanus quanquam numero peditum longe impar esset, virtute tamen equitum, & armorum peritiæ confusus, moram pugnandi nullam fecit. Pugnam utrique alacres ineunt. Irruentem hostem Cardanus sustinuit, neque prius retro ferre pedem, quam super ventre peditum equi suffossi sunt. Atrox fuit dimicatio, cædes ingens, major in fuga ad Padum usque

(a) Ita perpetuo legitur in MS. arbitramur tamen legendum *Cardona*, qui Pontificii exercitus Dux erat.

Nerea quum sitages edita. Cecidisse ea in pugna ex Raimundi equitibus centum, quingentos captos pedites, atque sagittarios supra ducentos, traditur. Ex Gibellinis iniri certus numerus non potuit. Convenit inter eos, qui aliquid scripti reliquere, plures in exercitu Vicecomitis interfectos fuisse, quamvis is victor evaserit. Namque inclinata suorum acie in Burgum (b) cum majore suorum parte prostravit; ita propinquitate vici servati plurimi sunt. Temerarium, & parum prosperum Raimundum Scriptores dicunt: superfedere enim potius pugna debuit, quam Marti rem committere, quam

multitudine peditum hostis potentior foret. Facius Ubertus illis proximis temporibus tot cæfos ad Augustam Baccienorum (c) scribit, ut instar fluminis sanguis lacunas effecerit, hoc, sive pro more poetico, quod pugnas, & cædes majores, quam sint, scripserit, sive tantus fuerit occisorum numerus, ut sanguis instar fluminis effluerit, parum compertum habeo. Cæterum de tempore, quo certatum fuit, Scriptores variare video. In Annalibus proditum est: ante Matthæi obitum Marcum, & Girardinum Spinulam cum Raimundo decertasse. Tradunt alii: decem ab illo defuncto dies pugnatum, quorum opinioni ut accedam, facit Gu-

(b) Qui nunc *S. Martini Burgus* dicitur, non longe à Valentia ad Padum positus.

(c) Nunc *Bassigiana*.